



**Concello de Vigo**

SECRETARÍA DO GOBERNO LOCAL

Expte. 152/1102

## RESOLUCIÓN CONSTITUCIÓN DO GRUPO DE TRABALLO ORDENANZA ADMINISTRACIÓN ELECTRÓNICA

Para asumir os novos retos derivados do novo marco normativo, nomeadamente Lei 39/2015, do 1 de outubro, do Procedemento Administrativo Común das Administracións Públicas (LPAC) e Lei 40/2015, do 1 de outubro, do Réxime Xurídico do Sector Público (LRXSP), e a expansión das tecnoloxías da información temporalizando a execución das novas obrigas, resultou oportuno un plantexamento de natureza transversal, que permitise deseñar unha estratexia global e garantir o impulso do proceso de transformación no conxunto da administración do Concello de Vigo. Para iso deseñouse un marco de actuación a través dun plan de transformación integral cos seus correspondentes procesos e sobre a base duns equipos de traballo impulsores do seu desenvolvemento e execución.

En base a estes antecedentes, tomáronse os seguintes acordos:

A Xunta de Goberno Local, en sesións do 04 de novembro de 2016 e do 20 de xaneiro de 2017 acordou constituír, a Comisión Técnica do Plan de Transformación Integral da Admon. Municipal do Concello de Vigo integrada por:

1. O Xefe do Servizo de Administración Electrónica, D. Antonio Villanueva Guimeráns
2. A Titular da Asesoría Xurídica Municipal, Dna. Margarita Parajó Calvo
3. A Secretaría do Goberno Local, Dna. M<sup>a</sup> Concepción Campos Acuña
4. O Tesoureiro Municipal, D. Luis García Álvarez
5. A Xefa de Servizo de Inspección de Tributos, Dna. M<sup>a</sup> del Carmen Pazos Area
6. O Interventor Xeral Municipal, D. Alberto Escariz Couso.

Así mesmo, a Xunta de Goberno Local, na súa sesión do 18 de novembro de 2016 aprobou o documento de “Medidas de Implementación das Leis 39/2015 e 40/2015 (Expte.7981/113)”.

Para o adecuado desenvolvemento dos traballos de elaboración e posta en marcha do Plan e garantir a adecuación sectorial dos amplos contidos afectados por Resolucións do Concelleiro-Delegado de Xestión Municipal, Persoal, Patrimonio e Admon. Electrónica de datas 18/11/16 (Rexistro e ENI-ENS) 16/12/16 (Contratación) 27/12/16 (Modificación Rexistro), 08/03/17 (Interoperabilidade), das que se deu conta á Xunta de Goberno Local, reunións do 30/12/16 e 23/03/17, foron constituídos os seguintes Grupos de Traballo Sectorial do Rexistro Electrónico, do Esquema Nacional de Seguridade e Esquema Nacional de Interoperabilidade, de Contratación e do Esquema Nacional de Interoperabilidade (no ámbito da Política de Xestión Documental).





## Concello de Vigo

A constitución do Grupo de Traballo Sectorial ENS e ENI resultaba precisa porque a normativa en vigor, en particular ás citadas LPAC e LRJSP contemplan a necesidade de adaptación ao ENS a través de diferentes instrumentos, entre outros, no rexistro electrónico, no arquivo electrónico, validez e eficacia das copias realizadas pola administración, transmisión de datos entre AA PP ou transferencia tecnolóxica no sector público, entre outros aspectos. Desta nova regulación despréndese a importancia que ten, para o desenvolvemento do procedemento administrativo así como para a obrigada relación con outras administracións, a implantación do ENS e do ENI, sendo necesario, para dar debido cumprimento ás prescricións establecidas abordar unha serie de accións que aconsellan a constitución dun Grupo de Traballo sectorial para a implantación do Esquema Nacional de Seguridade. Por outra banda, ademais das obrigas de difusión, contidas nas medidas de interoperabilidade, organizativa e semántica do ENI, é necesario a constante adaptación dos sistemas propios do Concello de Vigo para poder cumprir coa interoperabilidade técnica que obriga á asunción dos estándares e á constante adaptación ás normas técnicas de interoperabilidade, a dita adaptación dos sistemas lévase a termo por parte do Servizo de Administración Electrónica.

Por acordo da Xunta de Goberno Local adoptado en data 16 de marzo do ano 2017 procedeuse á aprobación da “Normativa Técnica do ENS”.(Expte. 8109/113), e rematados os seus traballos para dar paso ao papel do Comité de Seguridade, por Resolución do Concelleiro-Delegado de Xestión Municipal de data 21/04/2017 acordouse declarar concluídos os traballos encomendados ao Grupo de Traballo do Esquema Nacional de Seguridade e do Esquema Nacional de Interoperabilidade, por ter cumprido coa finalidade de definir e propor as actuacións concretas para o axeitado desenvolvemento do novo marco normativo nesta materia asignadas por Resolución desta Concellería de data 18 de novembro de 2016, como resulta dos acordos da Xunta de Goberno de data 30 de decembro de 2016 e de 16 de marzo de 2017, e, en consecuencia, resultar procedente a súa disolución.

Considerando a potestade normativa atribuída ao Pleno da Corporación na atribución de competencias recollida na LRBRL, na tramitación do expediente 88/1102, solicitouse informe ao Secretario do Pleno sobre o procedemento de aprobación da Ordenanza de Administración Electrónica, informe emitido en data 17/01/17 e ditouse por esta Concellería Resolución de data 23/02/2017 encomendando ao Secretario Xeral do Pleno a instrución do expediente para a aprobación do Plan Anual Normativo, nos termos establecidos na Lei 39/2015, do 1 de outubro, do Procedemento Administrativo Común das Administracións Públicas.

Por acordo da Xunta de Goberno Local de 2 de marzo de 2017, adoptouse acordo de apertura do trámite de consulta pública para a aprobación da Ordenanza de Administración Electrónica do Concello de Vigo, e segundo se recolle en Informe do Xefe do Servizo de Administración Electrónica de data 26 de abril de 2017, no dito período de consulta pública non se recolleron aportacións ao procedemento limitándose á solicitude do texto da ordenanza, non dispoñible na actualidade por non se tratar do momento procedimental oportuno.





## Concello de Vigo

SECRETARÍA DO GOBERNO LOCAL

Expte. 152/1102

Nesa liña, a evolución dos traballos do Plan de Transformación Integral e dos distintos Grupos de Traballo Sectoriais constituídos, aconsella dar un paso máis e proceder á redacción dun texto para aprobación da Ordenanza de Administración Electrónica, constituíndo a tal fin un Grupo de Traballo, de composición multidisciplinar que, seguindo a proposta da Comisión, integre tanto aos servizos centrais como aos servizos especializados que permitan abordar o conxunto da regulación.

Polo exposto, e á vista da proposta formulada pola Comisión Técnica do Plan de Transformación Integral da administración municipal do Concello de Vigo, en execución das competencias atribuídas por delegación a esta Concellería por Resolución de Alcaldía do 19 de xuño de 2015, e por acordo a Xunta de Goberno Local de data 4 de novembro de 2016,

**Primeiro.-** Constituír o Grupo de Traballo Sectorial da Ordenanza de Administración Electrónica coa finalidade de definir e propor o novo marco normativo, axustado ás peculiaridades organizativas e de funcionamento do Concello de Vigo, mediante a redacción dun texto para tramitación e, no seu caso, aprobación dunha Ordenanza de Administración Electrónica do Concello de Vigo nesta materia.

**Segundo.-** Dada a variedade de servizos afectados, e a transversalidade das materias a abordar co fío da administración electrónica, a composición deste grupo esixe a integración de servizos centrais e servizos especializados que permitan abordar o conxunto da regulación e a tal efecto, se integrarán no mesmo os seguintes empregados públicos municipais:

- D. JAVIER ALBERTOS BENAYAS, Técnico responsable estudos e programación, Admon. Electrónica
- D<sup>a</sup> PILAR ALONSO CACHEIRO, Adxunta-Xefe Admon. Electrónica
- D. MIGUEL AMOR RÍO, Programador Informática. Admon. Electrónica.
- D<sup>a</sup> BEATRIZ BARBARÁ RODRÍGUEZ, Xefa do servizo de Contratación
- D<sup>a</sup> DOLORES ESPIÑO COLLAZO, Xefa área de Réxime Interior.
- D<sup>a</sup> SUSANA GARCÍA ÁLVAREZ, Letrada-Xefe servizo de Asesoramento, Asesoría Xurídica
- D<sup>a</sup> OLGA GÓMEZ CORBAL, Interventora adxunta.
- D. LUIS IGLESIAS REJAS, Programador de Sistemas do servizo municipal de Admon. Electrónica.
- D. PABLO OLMOS PITA, Letrado-especialista orde Soc., Civil, Contencioso e Mercantil da Asesoría Xurídica.
- D. SECUNDINO OTERO FAÍLDE, Xefe do servizo de Medio Ambiente, Sanidade e Consumo.
- D<sup>a</sup> CAROLINA PÉREZ AGUILERA, Xefa do Arquivo da XMU
- D. PABLO SEVILLA VALCÁRCEL, Técnico responsable de Admon. Electrónica da XMU
- D. RAÚL VILA RODRÍGUEZ, Técnico xestión.



Copia auténtica do orixinal - Concello de Vigo

Data impresión: 08/05/2017 13:23

Páxina 3 de 4

Expediente 152/1102

Código de verificación: 2CE44-232BB-24B3C-4C23A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



## Concello de Vigo

O GT estará asistido no seu labor pola Comisión Técnica do Plan de Transformación Integral da administración municipal de Vigo, cuxos membros participarán activamente nos traballos a desenvolver.

**Terceiro.**-Para o desenvolvemento das funcións encomendadas, o Grupo de Traballo Sectorial da Ordenanza de Administración Pública contará coa colaboración de todos os Servizos e Áreas municipais, en canto sexan requiridos.

**Cuarto.**- Dar traslado do presente acordo aos membros da Comisión Técnica do Plan de Transformación Integral da administración municipal de Vigo, aos membros do Grupo de traballo sectorial constituído, e á Xunta de Goberno Local, así como dar publicidade ao mesmo a través da súa inserción na Intranet municipal e no Portal da Transparencia municipal.

rs.

DATA E SINATURA DIXITAL  
 CONCELLEIRO-DELEGADO DE XESTIÓN MUNICIPAL, PERSOAL, PATRIMONIO  
 E ADMON. ELECTRÓNICA-F. JAVIER PARDO ESPIÑEIRA.

SECRETARIA DO GOBERNO LOCAL-M<sup>a</sup> CONCEPCIÓN CAMPOS ACUÑA.



Copia auténtica do orixinal - Concello de Vigo	Data impresión: 08/05/2017 13:23	Páxina 4 de 4
Expediente 152/1102	Código de verificación: 2CE44-232BB-24B3C-4C23A	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <a href="http://www.vigo.org/csv">http://www.vigo.org/csv</a>		